

禮記章句卷十七

船山遺書十三

衡陽王夫之譔

少儀

少詩
照反

此篇記少事長賤事貴之禮朱子所謂小學之支流餘
裔也與曲禮內則相爲出入聞有互見者凡四十五章
聞始見君子者辭曰某固願聞名於將命者不得階主

賢見

通反下同聞名
之聞亡通反

聞記者述其所傳聞之辭君子有齒爵之稱固誠也聞
名猶言通名階上進之意主王人也稱將命者以己卑
少不敢自進於主人也

敵者曰某固願見

敵者齒爵相當也得以階主不稱將命者矣

罕見曰聞名亟見曰朝夕誓曰聞名

聞亡運反
亟去吏反

罕見久離而復相見也亟數也於尊者稱聞名敵者稱見其階主與否亦因其等誓則雖敵亦稱聞名以目無見辭不虛也

適有喪者曰比童子曰聽事適公卿之喪則曰聽役於司徒

適有喪謂弔也比者比次年力供喪事也童子不能任事聽使令也司徒有大喪則帥眾庶屬六引而治其政

令周禮無家司徒公卿之有司徒春秋以降之僭也弔而稱比役者哀不虛致必有事也

君將適他臣如致金玉貨貝於君則曰致馬資於有司敵

者曰贈從者

從疾用反

適他謂朝會貨泉布貝海中介蟲古者以其甲爲貨今雲南人猶然馬資謂芻秣之費敵者卿大夫之自相贈也

臣致綖於君則曰致廢衣於賈人敵者曰綖親者兄弟不

以綖進

賈居訝反

廢之爲言置也猶尊之有廢尊謂委致於地不以即陳

也賈人玉府之屬吏主知物賈凡獻金玉文織貨賄者
玉府受而藏之物微不敢當玉府之藏稱其屬吏也親
者兄弟謂大功以上進執以將命也親者之祿自以卽
陳至親無文不將命也

臣爲君喪納貨貝於君則曰納甸於有司

爲于
僞反

納貨貝者賄也甸田也謂納其采邑之田賦也

右第一章 此章皆記將命之辭蓋少而習之以爲終
身之節

賄馬入廟門賄馬與其幣大白兵車不入廟門

知死者賄陳車馬以送葬也知生者賄賄助也助主人

之喪用也廟門祖廟六門殯朝於祖而賜馬入陳爲行
飾也賻之馬幣非爲死者不入陳也大白革路所建之
旗兵車革路也諸侯之葬諸路皆駕鄰國得以賄焉然
兵車非容之盛者雖賄亦不入廟惟金路玉路象路則
入革路不入則木路亦可知矣

賻者既致命坐委之擯者舉之主人無親受也

謂賻幣也委置於地也舉受而藏之也主人哀戚不在
貨財故賓不親授主不親受

右第二章 此章記賄賻之節蓋因上章而次及之

受立授立不坐性之直者則有之矣

受立授立謂尊者方立而已與受授也坐跪也不坐者
重煩尊者俛也生質曰性直者謂龜胸不能俛者有之
謂或坐蓋受授雖不坐猶必俛躬承奉惟形質不能俛
者則嫌於慕岸雖坐可矣

右第三章

始入而辭曰辭矣即席曰可矣

擯者辭也使賓主均齊中節無參差也

排闥說屨於戶內者一人而已矣有尊長在則否

說他活反長丁

反丈

排闥開戶扇向壁爲隱蔽以說屨也眾賓皆蔽猶必有

長故一人說屨於戶內示有所尊餘皆說於堂下若先
有尊長在室則皆說於外無二尊也

右第四章

問品味曰子亟食於某乎問道藝曰子習於某乎子善於

某乎

亟去
吏反

亟數也數食之則嗜可知不斥言嗜嫌從欲也道者教
之綱藝六藝也道言習道不易善也藝必善而後謂之
藝也不以能否爲問嫌量其短

右第五章

不疑在躬

疑質問也君子內省而察言觀色不以己之品詣爲疑而問之嫌要譽也

不度民械

度徒維反

民人也械器物也不揣度人資生之器物而計其貧富嫌於枝求也

不願於大家

願歆羨大家富室也不樂道大家而歆羨之所貴者德爾

不訾重器

訾將此反

訾毀議重器宗廟之器也人之所世守而以奉先雖不

精好不當警也四者皆慎言之要

右第六章

汜埽曰埽埽席前曰拚拚席不以鬣執箕膺搗

汜乎范反曰埽之埽

蘇老反餘先到反拚方問反搗與涉反

汜埽徧埽一室也拚與糞通除也鬣帚芒簇出如馬鬣

席前但以帚奇拂去餘食不使鬣端塵垢汚席也膺胸

也搗箕舌也執箕搗塵以舌內向不使或觸賓長

右第七章

不貳問

問卜筮也貳者雜以二事則黷神矣

問卜筮曰義與志與義則可問志則否

與以諸反

問卜筮太卜問來卜筮者也可問爲之下卜筮也事或有須密者不能直告當質其爲義爲志若非義之志而不可顯言則其爲逆應可知不爲之問以折姦且遠害也

右第八章

尊長於己踰等不敢問其年

長丁丈反

尊以爵言長以分言年非其等者雖少不齒問年則嫌於齒之也

燕見不將命

亟見者一將命而止後此則爲燕見將問道業不敢爲

賓

遇於道見則面不請所之

見賢徧反

見謂尊長見之趨前相覲曰面不見己則不面恐煩應接不請所之者尊長所事非所敢與也

喪俟事不輒弔

輒與特同

隨尊長而至喪者之家不敢爲賓

侍坐弗使不執琴瑟不畫地手無容不嬰也

畫胡麥反俗讀胡化反者

非

使命之鼓琴瑟也畫地有所稱說而指畫也容張拱也

不拱者以俟指使扶掖也嬰扇也

寢則坐而將命

尊長或有疾而寢將命必坐以俯就之

侍射則約矢侍投則攤矢勝則洗而以請客亦如之不角不擢馬

凡射二人爲耦先倚矢於楅三人更相讓拾取矢約矢者不拾取待尊長取四矢竟而後已總取之也投投壺也攤矢者尊長委矢於地更取而投之已則總四矢攤握以俟投也勝謂已勝也凡射與投不勝者自取鬴立飲今與尊長爲耦而已勝不敢令其自飲洗爵以請若行觴然客云者謂非鄉射大射因燕而以射娛賓也亦

洗以請尊賓也角觥也所以示罰尊長不勝爵而不角
不敢施罰也馬者投壺之算投壺之禮賓客各爲朋每
耦勝則立一馬三馬而成勝遂行慶爵若一朋得二馬
一朋得一馬則擢取一馬者之馬歸二者以成三馬卑
少者與先生爲耦己朋雖得二馬不敢擢取先生之馬
以受慶也

右第九章

執君之乘車則坐

執總握六轡頓馬而不行也乘車別於兵車之稱凡御
者必立今以君未升車駐車而俟故坐而執轡不敢迫

君升也

僕者右帶劔負良綬申之面拖諸臂以散綬升執轡然後步

僕御也右帶劔者凡帶劔於左便右抽之御者居中君在左故右帶以避君也良綬君所執以升車者負者舉而加諸左肩申之面者繞右腋出於前也臂覆苓席也拖諸臂者委緒餘於臂便授君也散綬御所執者謂初升時步行也御者既升執策分轡行車馬五步以調馬乃駐而待君升也

右第十章

請見不請退

召而至事竟則請退若請見而更請退則進止皆自繇矣

朝廷曰退燕遊曰歸師役曰罷

朝直遙反

朝廷以近君爲榮入爲進出爲退燕遊樂不可極以家爲主返爲歸也師役不得已之事以休罷爲幸罷者心力皆釋之辭君子之於言無所苟也蓋如此

侍坐於君子君子欠伸運笏澤劒首還屨問日之蚤莫雖

請退可也

還似宣反莫漠故反

運轉弄之也澤摩拭之也劒首劒柄端環可也云者謂

雖請見不妨請退也

右第十一章 此章總記見君及尊長而退之通禮

事君者量而后入不入而后量凡乞假於人爲人從事者

亦然然故上無怨而下遠罪也

爲于僞反
遠于怨反

量而后入不輕仕也入而后量則菲薄其君而吝於忠

矣乞求也假借也量其許而後往也爲人從事任人之

事不旣任而量其不足與行持兩端也上謂己居人上

所乞假從事或己之卑幼也下謂事君而爲臣

右第十二章

不窺密不旁狎不道舊故不戲色

道徒
到反